

欽定舊唐書

卷四十四之四十六

欽定四庫全書

卷一百一十五

舊唐書卷四十四

後晉司空中書門下平章事劉昫撰

職官三第二十四

御史臺

秦漢曰御史府後漢改爲憲臺魏晉宋改爲蘭臺梁陳北朝咸曰御史臺武德因之龍朔二年改名憲臺咸亨復光宅元年分臺爲左右號曰左右肅政臺左臺專知京百司右臺按察諸州神龍

復爲左右御史臺延和年廢右臺先天二年復置十月又廢也

大夫一員

正三品秦漢之制御史大夫副丞相爲三公之官魏晉之後多不置大夫以中丞爲臺主隋諱中復大夫降爲正四品武德令改爲從三品龍朔改爲大司憲咸亨復爲大夫光宅分臺爲左

右置左右臺大夫及廢右臺去左右字本從三品會昌二年十二月勅大夫秦爲正卿漢爲副相漢末改爲大司空與丞相俱爲三公掌邦國刑憲肅正朝廷其任既重品秩宜峻準六尚書例昇爲正三品著之

於中丞二員

正四品下漢御史臺有二丞掌殿內祕書謂之中丞漢末改爲御史長史後漢復爲中丞後魏改爲中尉正北齊復曰中丞後周曰司憲中大夫隋諱中改爲持書御史爲從五品武德

因之貞觀末避高宗名改持書御史爲中丞置二員龍朔改爲司憲大夫咸亨復爲中丞本正五品上會昌二年十二月勅中丞爲大夫之貳緣大夫秩崇官不常置中丞爲憲臺長今九寺少卿及諸少監國子

司業京兆少尹並府寺省監之貳皆爲四品唯中丞官重品秩未崇可昇爲正四品下與丞郎出入迭用著之於令

大夫中丞之職掌持邦國刑憲典章以肅正

朝廷中丞爲之貳凡天下之人有稱冤而無告者與三司訊之凡中外百寮之事應彈劾者御史言於大

夫大事則方幅奏彈之小事則署名而已若有制使覆囚徒則與刑部尚書參擇之凡國有大禮則乘輅

車以爲導

侍御史四員

從六品下御史之名周官有之亦名柱下史秦改爲侍御史後周曰司憲中士隋爲侍御史品第七武德品第六也

掌糾舉百寮推鞠

獄訟侍御史年深者一人判臺事知公廨雜事次一人知西推一人知東推也凡有別付推者則按其實狀以奏若尋常之獄推訖斷于大理

凡事非大夫中丞所劾而合彈奏者則具其事為狀大夫中丞押大事則冠法冠衣朱衣纁裳白紗中單

以彈之小事常服而已凡三司理事則與給軍中中書舍人更直直於朝堂受表若三司所按而非其長

官則與刑部郎中員外大理司直評事往訊之

主簿一人從七品下錄事二人從九品下主簿掌印及受事發辰勾檢稽失兼知官廚及黃卷主事二人令史十七人書

令史二十三人

殿中侍御史六人從七品下令史八人書令史十八人殿中侍御史掌殿廷供奉之儀式凡冬至元正大朝

會則具服升殿若郊祀巡幸則於鹵簿中糾察非違具服從於旌門視文物有所虧闕則糾之凡兩京城

內則分知左右巡各察其所巡之內有不法之事

監察御史十員正八品上貞觀初馬周以布衣進用太宗令於監察御史裏行自此因置裏行之名龍朔元年以王本立為監察裏行也監察掌分察巡按郡縣屯

田鑄錢嶺南選補知太府司農出納監決囚徒監察祀則闔牲牢省器服不敬則劾祭官尚書省有會議

亦監其過謬凡百官宴會習射亦如之

殿中省魏初置殿中監隋初改為殿中局煬帝改為殿內省武德改為殿中省龍朔改為中御府咸亨復為殿中省

監一員從三品執初置品第二藥品第三隋品第四武德品第三也少監二員從四品上丞二人從五品上主事二人從九品上令史四人書令史十

二人亭長掌固各八人殿中監掌天子服御總領尚食尚藥尚衣尚舍尚乘尚輦六局之官屬備其禮

物供其職事少監爲之貳凡聽朝則率其屬執繖扇以列於左右凡大祭祀則進大珪鎮珪於墀門之外

既事受而藏之凡行幸則侍奉於仗內驂乘以從若元正冬至大朝會則有進爵之禮丞掌副監事兼勾

檢稽失省署抄目主事掌印及知受事發辰

尚食局奉御二人正五品下隋初爲典御又改爲奉御直長五人正七品上食醫八人正九品下奉御掌謹其儲供辨名數直長爲

之貳若進御必辨其時禁春肝夏心秋肺冬腎四季之月脾王皆不可食當進必先嘗正至大朝會饗宴

與光祿大夫視其品秩之差其賜王公賓客亦如之諸陵月享則視膳而獻之食醫學率主食王膳以供

其職

尚藥局奉御二人正五品下直長四人正七品上書吏四人侍御衣四人從六品上主藥十二人藥童三十人司醫四人

正八品下醫佐八人正八品下按摩師四人呪禁師四人合口脂匠四人掌固四人奉御掌合和御藥及診候方

脉之事直長爲之貳凡藥有上中下三品上藥爲君中藥爲臣下藥爲佐合造之法一君三臣九佐別人

五藏分其五味有湯丸膏散之用診脉有寸關尺之三部醫之大經凡合和與監視其分劑藥成嘗而進

焉侍御醫掌診候調和主藥藥童主刮削擣搗

尙衣局奉御二人

從五品上直長四人

正七品下

書令史三人書吏四人主衣十六人掌固四人

奉御掌衣服詳

其制度辨其名數直長爲之貳凡天子之制冕十有三大大裘冕二衮冕三鷩冕四毳冕五毼冕六玄冕七通天冠八武弁九弁服十介幘十一白紗帽十二平紗幘十三翼善冠

事具典服志

凡天子之大珪曰珽長尺鎮珪長尺有二寸若有事於郊丘社稷則出之於內將享至于中壝門則奉鎮珪于監而進之既事受而藏之凡大朝會則設案服畢而徹之

尙舍局奉御二人

從五品上直長六人

正七品下

書令史三人書吏七人掌固十人幕士八十人

奉御掌殿廷張

設湯沐燈燭灑掃之事直長爲之貳凡行幸預設三部帳幕

有古帳大帳次帳小帳帳凡五等之帳爲三部

其外置排城以爲

蔽扞

排城連板爲小板上書辟邪獸表裏皆漆之

凡大祭祀有事於郊壇則先設行宮於壇之東南向隨地之宜將祀三日則

設大次於外壝東門之外道北南向而設坐若有事於明堂太廟則設大次於東門如郊壇之制凡致齋

則設幄於正殿西序及室內俱東向張於楹下凡元正冬至大朝會則設斧扆於正殿

施榻席露鑪朔望受朝則施幄於正

殿帳裙頂帶方闊一丈四尺也

尙乘局奉御二人

從五品上

直長一人

正七品下

奉乘十八人

正九品下

習馭五十人掌閑五十人獸醫七十人進馬六

人七品正九品下司庫一人正九品下書令史一人書吏十四人 奉御掌內外閑廐之馬辨其鑪良而

率其習馭直長爲之貳一曰左右飛黃閑二曰左右吉良閑三曰左右龍媒閑四曰左右駒駝閑五曰左右駃騠閑六曰左右天苑閑開元時仗內六閑曰飛龍祥麟鳳苑鵠鷄吉良六羣

等號六廐馬 凡秣馬給料以時爲差凡外牧進良馬印以三花飛風之字而爲志奉乘掌率習馭掌閑駕士及

秣飼之法司庫掌鞍轡乘具司廐掌稟積出納獸醫掌療馬病初尙乘局掌六閑馬後置內外閑廐使專掌御馬開元初以尙乘局隸閑廐使乃省

尙乘其左右六閑及局官並隸閑廐使領之也進馬舊儀每日尙乘以廐馬八疋分爲左右廂立於正殿

側宮門外候仗下卽散若大陳設卽馬在樂懸之北與大象相次進馬二人戎服執轡侍立於馬之左隨

馬進退雖名管殿中其實武職用資蔭簡擇一如千牛備身天寶八載李林甫用事罷立仗馬亦省進馬官十二載楊國忠當政復立仗馬及進馬官乾元復省上元復置也

尙輦局奉御二人從五品上直長四人正七品下尙輦二人正九品下書令史二人書吏四人掌扇六人掌翰二十四人

主輦三十二人奉輿十二人掌固四人 奉御掌輿輦分其次序而辨其名數直長爲之貳凡大朝會則

陳于廷大祭祀則陳于廟凡大朝會則繖二翰一陳之于廷孔雀扇一百五十有六分居左右舊翟扇尾開元年初改爲繖孔雀若常聽朝

內官

妃三人正一品周官三夫人之位也隋依周制立三夫人武德立四妃一貴妃二淑妃三德妃四賢妃位次后之下玄宗以爲后妃四星其一正后不宜更有四妃乃改定三妃之位惠妃一麗妃二華妃

三下有六儀美人才人四等 共二十人以備內官之位也 三妃佐后坐而論婦禮者也其於內則無所不統故不以一務名焉六儀

六人

正二品周官九嬪之位也

掌教九御四德率其屬以贊導后之禮儀美人四人

正三品周官三十世婦之位也

掌率女冠修祭

祀賓客之事才人七人

正四品周官八十一御女之位

掌敘宴寢理絲枲以歲獻功

宮官

六尚如六尚書之職掌

尚宮二人

正五品

司記二人

正六品

典記二人

正七品

掌記二人

正八品

女史六人

司言二人

正七品

典言二人

正八品

掌言二人

正八品

女史四人

司簿二人

正六品

典簿二人

正七品

掌簿二人

正八品

女史六人

司闈六人

正六品

大人

正七品

掌闈六人

正八品

女史四人

尚宮職掌導引中宮總司記司言司簿司闈四司之官屬凡六尚

書物出納文簿皆印署之司記掌印凡宮內諸司簿書出入目錄審而付行焉典記佐之女史掌執文書

司言掌宣傳啟奏司簿掌宮人名簿廩賜司闈掌宮闈管籥

尚儀二人

正五品

司籍二人

正六品

典籍二人

正七品

掌籍二人

正八品

女史十人

司樂四人

正六品

典樂四人

正七品

掌樂二人

正八品

女史二人

正八品

司賓二人

正六品

典賓二人

正七品

掌賓二人

正八品

司贊二人

正六品

典贊二人

正六品

正六

掌贊二人

正六品

女史二人

正六品

尚儀之職掌禮儀起居總司籍司樂司賓司贊四司之官屬司籍掌四

部經籍筆札几案司樂掌率樂人習樂陳懸拊擊進退司賓掌賓客朝見宴會賞賜司贊掌朝見宴會贊

相

尙服二人正七品司寶二人正七典寶二人正七掌寶二人正八女史四人司衣二人正大典衣二人正七

掌衣二人正八品女史四人司飾二人正六典飾二人正七掌飾二人正八女史四人司仗二人正大典仗

二人正七品掌仗二人正八品女史二人尙服之職掌供內服用采章之數總司寶司衣司飾司仗四司之

官屬司寶掌瑞寶符契圖籍司衣掌衣服首飾司飾掌膏沐巾櫛司仗掌羽儀仗衛

尙食二人正五品司膳四人正六典膳四人正七掌膳四人正八掌醞二人正八女使四人司醞二人正七

典醞二人正七品女使二人司藥二人正六典藥二人正七掌藥二人正八女史四人司饌二人正六典饌

二人正七品掌饌二人正八品女史四人尙食之職掌供膳羞品齊之數總司膳司醞司藥司饌四司之官

屬凡進食先嘗之司膳掌制烹煎和司醞掌酒醴醢飲司藥掌方藥司饌掌給宮人廩餼飯食薪炭

尙寢二人正五品司設二人正六典設二人正七掌設二人正八女史四人司輿二人正大典輿二人正七

掌輿二人正八品女史一人司苑二人正六典苑二人正七掌苑二人正八女史二人司燈二人正六典燈

二人正七品掌燈二人正八品女史二人尙寢之職掌燕寢進御之次序總司設司輿司苑司燈四司之官

屬司設掌幃帳茵席洒張設司輿掌輿輦繖扇羽儀司苑掌園苑種植蔬菓司燈掌燈燭

尙功二人正五品司製二人正六典製二人正七掌製二人正八女史二人司珍二人正大典珍二人正七

掌珍二人正八品 女史六人司綵二人正六品 典綵二人正七品 掌綵二人正八品 女史二人司計二人正六品 典計

二人正七品 掌計二人正八品 女史二人 尚功之職掌女功之程課總司製司珍司綵司計四司之官屬司

製掌衣服表縫司珍掌寶貨司綵掌繒錦絲枲之事司計掌支度衣服飲食薪炭

宮正一人正五品 司正二人正六品 典正二人正七品 女史四人 宮正之職掌戒令糾禁謫罰之事司正典正

佐之右唐制定宮官六尚書二十四司職事官以備內職之數

內侍省 星經有宦者四星在天市垣帝坐之西周官有巷伯寺人之職皆內官也前漢宮官多用士人後漢始用宦者為宮官晉置大長秋卿為後宮官以宦者為之隋為內侍省煬帝改為長秋監武德

復為內侍龍朔改為內侍監光宅改為司宮臺神龍復為內侍省也

內侍二員 從四品上漢魏曰長秋卿梁曰大長秋北齊曰中侍中後周曰司內上士隋曰內侍置二人煬

帝曰長秋令正四品武德復為中侍中官之貴極于此矣若有殊勳懋績則有拜大將軍者仍

兼內侍之官德宗置左右神策威遠等禁兵命中官掌之每軍置中尉一人宦者為之自李輔國魚朝恩之後京師兵柄歸於內官號左右軍中尉將兵於外者謂之觀軍容使而天下軍鎮節度使皆內官一人

監之事具宦者傳也 內常侍六人 正五品下漢代謂之中常侍 內侍之職掌在內侍奉出入宮掖宣傳之事總掖廷宮闈奚官

內僕內府五局之官屬內常侍為之貳凡皇后祭先蠶則相儀后出則為之夾引

內給事八人 從五品下 主事二人 從九品下 令史八人書令史十六人 內給事掌判省事凡元正冬至羣臣朝賀中宮則出入宣傳凡宮人衣服費用則具其品秩計其多少春秋二時宣送中書

內謁者監六人正大內謁者十二人從八內寺伯二人正七內謁者監掌內宣傳凡諸親命婦朝會所

司籍其人數送內侍省內謁者掌諸親命婦朝夕班位內寺伯掌糾察諸不法之事歲大儺則監其出入

掖廷局令二人從七丞三人從八宮教博士二人從九監作四人從九計史二人書令史八人掖廷令

掌宮禁女工之事凡宮人名籍司其除附公桑養蠶會其課業丞掌判局事博士掌教習宮人書算衆藝

監作掌監當雜作

宮闈局令二人從七丞二人從八書令史三人書吏六人內闈人二十人內掌扇十六人內給使無常員

宮闈局令掌侍奉宮闈出入管鑰凡大享太廟帥其屬詣于室出皇后神主置於輿而登座焉既事納

之凡宮人無官品者稱內給使若有官及經解免應叙選者得令長上其小給使學生五十人皆總其名

籍以給其糧廩丞掌判局事內給事諸門進物出納之厯

奚官局令二人正八丞二人正九書令史三人書吏六人藥童四人奚官令掌奚隸工役宮官品命丞

爲之貳凡宮人有疾病則供其醫藥死亡則供其衣服各視其品命仍於隨近寺觀爲之修福雖無品亦

如之凡內命婦五品已上亡無親戚於墓側三年內取同姓中男一人以時主祭無同姓則所司春秋以

少牢祭之

內僕局令二人正八品下丞二人正九品下書令史二人書吏四人駕士二百人 內僕令掌中宮車乘出入導引

丞爲之貳凡中宮有出則令居左丞居右而夾引之凡皇后之車有六事在輿服也

內府局令二人正九品下丞二人正九品下書令史二人書吏四人 內府令掌中藏寶貨給納名數丞爲之貳凡

朝會五品已上賜絹帛金銀器於殿廷者並供之諸將有功并蕃酋辭還亦如之

太常寺古曰秩宗秦曰奉常漢高改爲太常梁加寺字後代因之

卿一員正三品梁置十二卿太常卿爲一周隋品第三龍朔二年改奉常光宅改爲司禮卿神龍復爲太常卿也少卿二人正四品隋置少卿二人從四品武德置一人貞觀加置一員

太常卿之職掌邦國禮樂郊廟社稷之事以八署分而理之一曰郊社二曰太廟三曰諸陵四曰太樂五

曰鼓吹六曰太醫七曰太卜八曰廩犧總其官屬行其政令少卿爲之貳凡國有大禮則贊相禮儀有司

攝事則爲之亞獻率太樂官屬宿設樂懸以供其事讌會亦如之若三公行園陵則爲之副公服乘輅備

鹵簿而奉其禮若大祭祀則先省牲器凡太卜占國之大事及祭祀卜日皆往泄之於太廟南門之外凡

仲春薦冰及四時品物甘滋新成者皆薦焉凡有事於宗廟少卿帥太祝齋郎入薦香燈整拂神幄出入

神主將享則與良醢令寶饗疊凡備大享之器服有四院一曰天府院二曰御衣院三曰樂懸院四曰神廚院

丞二人從五品上主簿二人從七品上錄事二人從九品下府十二人史二十三人博士四人從七品上謁者十人贊引二十

人從五品上主簿二人從七品上錄事二人從九品下府十二人史二十三人博士四人從七品上謁者十人贊引二十

人太祝六人

正九品上

祝史六人奉禮二人

從九品上

贊者十六人協律郎二人

正八品上

亭長八人掌固十二人太廟

齋郎京都各一百三十人太廟門僕京都各三十人

丞掌判寺事凡大饗太廟則修七祀於太廟西門

之內若祫享則兼修配享功臣之禮主簿掌印勾檢稽失省署抄目錄事掌受事發辰博士掌五禮之儀

式本先王之法制適變隨時而損益焉凡大祭祀及有大禮則與鄉導贊其儀凡公已下擬諡皆迹其功

行為之褒貶無爵稱子養德巨國聲實明著則諡曰先生大行大名小行小名之

古有周書諡法大戴禮諡法漢劉熙諡法一卷

晉張靖諡法兩卷又有廣諡法一卷梁沈約總聚古今諡法凡有一百六十五稱也

若大祭祀卿省能器謁者為之導若小祀及公卿大夫有嘉禮

亦命謁者以贊之大祝掌出納神主于太廟之九室而奉享薦福祫之儀凡國有大祭祀凡郊廟之祝版

先進取署乃送祠所將事則跪讀祝文以信于神禮成而焚之凡大祭祀卿省牲而告充凡祭天及日月

星辰之玉帛則焚之祭地及社稷山岳則瘞之海濱則沉之奉禮郎掌朝會祭祀君臣之版位凡樽俎之

制十有四祭則陳之祭器之位簠簋為前瓊鉶次之籩豆為後大凡祭祀朝會在位者拜跪之節皆贊導

之贊者承傳焉又設牲腍之位以成省牲之儀凡春秋二仲公卿巡陵則主其威儀鼓吹之節而相禮焉

協律郎掌和大品六律辨四時之氣八風五音之節凡太樂則監試之為之課限若大祭祀饗宴奏于廷

則升堂執麾以為之節則舉麾工鼓祝而後樂作偃麾曼散而後止

兩京郊社署令各一人

從七品下

丞一人

從八品上

府二人史四人典事三人掌固五人門僕八人齋郎一百一十

人郊社令掌五郊社稷明堂之位祠祀祈禱之祀丞爲之貳凡大祭祀則設神坐於壇上而別其位立燎壇而先積柴凡有合朔之變則置五兵於太社以朱絲繫之以俟變過時而罷之

諸陵署令一人

從五品上

錄事一人府二人史四人主衣四人主輦四人主藥四人典事三人掌固二人陵戶

乾橋昭四百人獻定恭三百人

陵令掌先帝山陵率戶守衛之丞爲之貳凡朔望元正冬至皆修享於

諸陵凡功臣密戚陪葬者聽之以文武分爲左右列

諸太子陵令各一人

從八品下

丞一人

從九品下

太樂署令一人

從七品下

丞一人

從八品下

府三人史六人樂正八人

從九品下

典事八人掌固八人文武二舞郎一百

四十人

太樂令調合鐘律以供邦國之祭祀享宴丞爲之貳凡天子宮懸鐘磬凡三十六

編鐘十二編磬十二

編磬十二共爲三十六架東方西方磬簾起北鐘簾次之南方北方磬簾起西鐘簾次之鐃鐘在編鐘之間各以位四隅建鼓左枹右敔又設巢笙笛簾塤擊于編鐘之下偶歌琴瑟箏筑擊于編磬之下其在殿廷前則加鼓吹十二案於建鼓之外羽葆之鼓大鼓金鈸歌籥箛簫置於其上又設登歌鐘節鼓瑟琴箏簫於堂上笙和簫篪於堂下太子之廷陳軒懸去其南面鐃鐘編鐘各三凡九簾設于辰丑申之位三建鼓亦如之凡宮懸之作則奏文武舞事在晉樂志也凡大宴會則設十部伎凡大祭祀朝會用樂辨其曲度章服而分始終之次有事於太廟每室酌獻各用舞

事具晉樂志

凡祀昊天上帝及五方大明夜明之樂皆六成祭皇地祇神州社稷

之樂皆八成享宗廟之樂皆九成其餘祭祀三成而已五音有成數觀其數而用之也凡習樂立師以教每歲考其師之課業爲上中下三等申禮部十年大校之量優劣而黜陟焉凡樂人及音聲人應教習皆著簿籍覆其名數分番上下

鼓吹署令一人

從七品下

丞三人

從八品下

府三人史六人樂正四人

從九品下

典事四人掌固四人

鼓吹令掌鼓吹

施用調習之節以備鹵簿之儀丞爲之貳凡大駕行幸鹵簿則分前後二部以統之法駕則三分減一小

駕則減大駕之半皇太后皇后出則如小駕之例皇太子鼓吹亦有前後二部親王已下各有差凡駕行

幸有夜警晨嚴之制

大駕夜警十二部晨嚴三通太子諸王公卿已下警嚴有差

凡合朔之變則率工人設五鼓於太社大儺則帥鼓

角以助侏子唱之

太醫署令二人

從七品下

丞二人

從八品下

府二人史四人主藥八人藥童二十四人醫監四人

從八品下

醫正八人

從九品下

下藥園師二人藥園生八人掌固四人

太醫令掌醫療之法丞爲之貳其屬有四曰醫師針師按摩師

禁咒師皆有博士以教之其考試登用如國子之法凡醫師醫工醫正療人疾病以其全多少而書之以

爲考課藥園師以時種蒔收采

諸藥醫博士一人

正八品上

助教一人

從九品下

醫師二十人醫工一百人醫生四十人典藥二人

博士掌以醫

術教授諸生

醫術謂習本草甲乙脉經分而爲業一曰體操二曰瘡腫三曰少小四曰耳目口齒五曰角法也

針博士一人

從八品下

針助教一人

從九品下

針師十人針工二十人針生二十人

針博士掌教針生以經脉孔

穴使識浮沉澀滑之候又以九針爲補瀉之法

其針名有九應病用之也

按摩博士一人

從九品下

按摩師四人按摩工十六人按摩生十五人

按摩博士掌教按摩生消息導引之法

法

咒禁博士一人

從九品下

咒禁師二人咒禁工八人咒禁生十人

咒禁博士掌教咒禁生以咒禁除邪魅之

爲厲者

太卜署令一人

從九品下

丞一人

正九品

卜正二人

從九品下

卜博士二人

從九品下

太卜令掌卜筮之法丞爲之貳其

有四一龜二五兆三易四式

皆辨其象數通其消息所以定吉凶焉凡國有祭祀則率卜正占者卜日於太廟南門之

外歲季冬之晦帥偃子入官中堂贈大儺

贈送也堂中舞偃子以送不祥也

廩犧署令一人

從九品

丞一人

正九品

廩犧令掌薦犧牲及粢盛之事丞爲之貳凡三祀之牲牢各有名數

大祭祀則與太祝以牲就膀位太常卿省牲則北面牛脂乃牽牲以授太官

汾祠署令一人

從七品下

丞一人

從八品上

汾祠令丞掌神祀享祭洒掃之制

兩京齊太公廟署令各一人從七品下丞各一人從八品上令丞掌開闔洒掃及春秋仲釋奠之禮

光祿寺秦曰郎中令漢曰光祿勳掌宮殿門戶梁置十二卿加寺字除勳字曰光祿卿掌膳食後因之品第三龍朔改爲司膳寺正卿光宅改爲司膳寺卿神龍復爲光祿寺也

卿一員從三品上少卿二人從四品上卿之職掌邦國酒醴膳羞之事總太官珍羞良醢掌醢之屬修儲備謹出

納少卿爲之貳國有大祭祀則省牲鑊視濯滌若三公攝祭則爲之終獻朝會宴享則節其等差量其豐約以供焉

丞二人從六品上主簿二人從七品上錄事二人從九品上府十二人史二十一人亭長六人掌固六人丞掌判寺事

主簿掌印勾檢稽失錄事掌受事發辰

太官署令二人從七品下丞四人從七品下府四人史八人監膳十人從九品下主膳十五人供膳二千四百人掌固四

人太官令掌供膳食之事丞爲之貳凡祭之日與卿詣廚省牲鑊取明水於陰鑑取明火於陽燧帥宰人以鑿刀割牲取其毛血實之於豆遂烹牲焉又帥進饌者實簋簠設於饌幕之內凡朝會宴享九品已上並供其膳食凡供奉祭祀致齋之官則視其品秩爲之差降國子監釋奠百官觀禮亦如之凡宿衛宮上及命婦朝參宴會者亦如之

珍羞署令一人正八品下丞二人正九品下府三人史六人典書八人飭匠五人掌固四人令掌庶羞之事丞爲